

欽定平定教匪紀略

欽定平定教匪紀畧卷二

九月十六日卯辰刻

聖駕由學髻山至白澗途次儀親王永璇成親王永  
理莊親王綿課等由八百里奏言本月十五日  
午刻忽有賊匪屯聚

西華門外臣等得信趕入隨傳集各營兵丁攜帶  
鳥鎗刀箭自

神武門入賊衆已至

中正殿門外臣等帶兵急追時有數人跑入內地  
卽經

二阿哥親在

養心門外用鎗打斃西墻上兩賊綿志用刀砍斃

一賊亦經

二阿哥目覩綿志又在

隆宗門鎗斃三賊現在

紫禁城內臣等帶兵各處搜捕賊衆被殺及帶傷者頗多各處蘇拉兵丁被傷及已死者亦復不  
少謹先將情形

奏

聞

又左翼總兵玉麟由八百里奏言竊臣恭迎

聖駕後於十五日未刻回至東直門有步軍統領衙門司員馳稟現有賊匪在

東華門內滋擾經正藍旗步營地面官兵在

東華門外拏獲五人

臣

當卽密派南北左右四營

叅將遊擊各帶兵二百名前赴

神武門

東華門

西華門

東長安門

西長安門分頭把守防範一面傳知八旗步營官員各在本管地面防守巡察並傳行九門城門領等督率兵丁各於本門留心稽查早閉晚啟遇有形跡可疑之人卽行盤詰查拏一面帶同翼尉步軍校護軍兵丁等進

內會同王大臣官員等及各營官兵查拏賊匪維  
時賊匪在

隆宗門外滋擾

臣

同王大臣等帶兵由

中正殿夾道迎擊而南殲斃賊匪數名生擒帶傷  
賊匪朱尙忠李二格二名據朱尙忠供稱係天  
理教約同二百人於本日巳時入

內午時動手等語現在賊匪因官兵攻擊緊急勢

已窮蹙均聚在

西華門內捨命抵禦

臣

因吉綸於今早起身恭迎

聖駕步軍統領衙門堂官現止

臣

一人在京時將日

落外間街道城門均關緊要

臣

現出

紫禁城督率所管內外各營官兵在

紫禁城周圍一帶梭織巡查如有在外接應之賊

匪卽行擒拏辦理奏入



上命御前大臣額駙喀爾喀親王拉旺多爾濟總管

內務府大臣公和世泰御前行走額駙索特納

木多布齋瑪尼巴達拉回京查看情形已刻

上至白澗行宮復

命軍機大臣尙書托津侍郎右翼總兵英和進城查

辦

是日酉刻永璇等又由八百里奏言昨十五日

酉刻臣永璇等馳遞

奏片後十五日戌正時分臣永璇綿志奕紹同內  
務府大臣蘇楞額等將進入大內之賊搜捕殆  
淨卽將綿志帶入火噐營兵丁同總管常永貴  
等一一點名放出

內右門並將烏鎗長鎗腰刀各留一半交常永貴  
夜間防備不虞自十五日午時至十六日巳時

所有王大臣等擒獲及殺死賊數並侍衛官兵家人等受傷名數繕單呈

覽再有賊旗一幅上寫奉天開道四字又從死賊季進玉懷內搜出賊名一單共二十五名想季進玉必係頭目其單內各名係伊帶入但其餘二十四名現俱未獲又據成親王永理告知帶兵拏活賊宋尙忠一名永理親訊口供據稱賊衆

共進

禁城二百名地安門外尙有五百名令臣務須代

奏但查內務府所拏活賊亦有宋尙忠之名未知

是一是二須俟再查又十五日夜間在

神武門看守係慶桂鐵保劉環之崇祿費錫章等

城上巡視係貝勒永珠公布蘭泰成書果齊斯

歡又內左門係永玉內右門係永璠啟祥門係

永蓋蒼震門係西拉布順貞門係成格神武門  
係綿槐午門係策楞東華門係瑞齡西華門係  
慶祥均各帶兵捕賊再格布舍蘇爾慎伊勒通  
阿額勒精額諾木齊阿勒罕保現在帶兵捕賊  
奮勇當先查格布舍等本係奉

旨交溫承惠帶往河南剿賊之員現在

紫禁城內關係重大可否暫留於

禁城內捕賊俟平靜後再令馳赴溫承惠軍營外  
二阿哥交出奏摺一函謹封遞呈

覽

二阿哥綿寧

奏言本月十五日午刻

子臣等在

三阿哥綿愷

書房聞得各處太監叫喊關門

子臣等卽由

日精門探問將至

近光門總管常永貴等綁獲賊人二名到來常永

貴搜得二賊身邊各刀一把白布二塊匆忙之際所拏賊之太監等有幾人被傷事後查明常永貴自應奏

聞于時將近未刻子臣等以爲無事而子臣四弟已

下書房子臣綿寧綿愷卽商同至

儲秀宮給子臣

皇母請

安子臣等將欲去時寶興方散值未出

東華門見有我兵向賊攔殺卽跑入

乾清門給子臣等通信子臣等速至

儲秀宮請

安是時聞有賊人越牆從

內右門西邊入者子臣綿寧寶出無奈大膽差人

至所內取進撤袋烏鎗腰刀惟時外邊官兵尙



未趕進常永貴等督率衆太監各持棍棒在

遵義門內外巡防各房各牆上亦派太監等瞭望  
不料五六賊人在

養心門對面南牆外膳房房上從西大牆欲向北

竄子臣綿寧手足失措甚恐賊人北去常永貴

云若不用烏鎗攔打房上地下之人無所施力

子臣綿寧大膽在於

宮內放鎗不敢逃責卽在

養心門外西邊用鎗將西大牆上一賊打墜次又

有兩三賊仍在牆上並有一賊手執白旗子臣

深恐賊人北去復進

養心殿院內隔牆見執白旗之賊似有指揮子臣

復將執白旗之賊打墜餘者方不敢上牆匿在

內膳房內子臣復至

儲秀宮奏明

子臣

皇母請

子臣

皇母放心切囑

子臣

三弟不許稍離左右

子臣

復至

西長街西廠一帶同常永貴帶領太監等防查

綿志帶領官兵五六人侍衛四五人並

子臣等

諳達三四人進內少頃奕紹成親王儀親王內

務府大臣三人先後帶領官員兵丁等約有五

六十人亦俱進內子臣同常永貴囑令裏外人  
衆將內膳房細加搜捕復得賊二人所有官員  
兵丁名數及捕獲情形該管之王大臣自應另  
行奏

聞子臣並派令諳達及侍衛七八人著

敬事房太監帶領在

儲秀宮東長街以防不然外邊人散出時一併隨

出

宮闈禁地不敢不奏

聞子臣

皇母同貴妃等位及子臣等並九公主仰賴

皇父威福均皆平安伏祈

聖心寬慰戍時後外邊人等散出大內各門關鎖儀

親王成親王綿志奕紹分派官員兵丁在各門

外加意防護巡查一面各王大臣等帶領官員  
兵丁在

禁城內搜拏

子臣

綿寧綿愷是夜俱在尙書房住

宿宮內各處常永貴等分帶首領太監徹夜巡  
查無處不到

禁城內夜間雖有施放鎗聲剿捕餘匪而宮內常

永貴防查周密一夜安靜至天明子臣等至

儲秀宮給

子臣

皇母請

安

子臣

皇母安和所有內外搜查等事該王大臣及總管等

另有摺

奏謹此惶恐合詞具摺

奏

聞伏乞

皇父睿鑒

總管內務府大臣穆克登額徵瑞蘇楞額奏言  
本月十五日午刻忽聞有賊人擅進

西華門持刃傷人約計八九十人臣等卽刻一面  
進內嚴飭各門禁加意防守一面隨傳到內府  
官員人等並三旗護軍人等及鳥鎗護軍等又



欽定平定方略卷之二  
總管太監常永貴傳

二阿哥話著調各營步軍及火器營兵等各帶鎗枝弓箭腰刀立時帶赴各處搜捕臣等因賊持刃傷人不得不動烏鎗攻打於十五日酉刻

臣等隨同儀親王永璇將賊人擅進禁城傷人情形卽時具

奏並進

內右門查看經常永貴帶領太監等拏獲賊人四名

二阿哥鎗打賊人二名又據常永貴口稱率領

太監四處搜拏並無潛藏賊匪各宮門禁均已

嚴防臣等帶領三旗兵丁人等在各處查拏共

生擒賊人五名又砍死賊人六名奪得順刀六

把於賊身搜出白布一方上織同心合我永不

分離四季平安字樣復查得各處傷斃內務府  
護軍校一名護軍四名匠役十二名被傷司匠  
一名匠役七名並於查拏時看見尙有拏獲砍  
死賊人在各處者約二三十人臣等恐尙有潛  
匿賊匪仍帶兵日夜查拏務期淨盡謹先將大  
概情形具奏再臣等向常永貴詢得

皇后內廷主位阿哥公主福晉等位均各平安臣等

仍飭知常永貴率領太監等於各處

宮殿門禁嚴密防守毋稍疎懈均奏入

上以案關重大傳

旨暫緩謁

陵回京查辦

是日

上諭內閣曰綿寧綿愷奏本月十五日午刻突有賊

人擅入蒼震門經總管太監擒獲未刻內右門西  
又有賊匪越牆入內綿寧見事在倉猝取進烏鎗  
撒袋腰刀先用鎗將牆上一賊打墜又有手執白  
旗之賊在牆上指揮復用鎗擊斃實出無奈大膽  
等語綿寧係內庭皇子在尙書房讀書一聞有警  
自用鎗擊斃二賊餘賊始紛紛潛匿不敢上牆實  
屬有膽有識乃綿寧奏稱大膽無奈詞語謹飭殊

覺過當朕垂淚覽之可嘉之處筆不能宣宮廷內地奉有

祖

考神御

皇后現亦在宮綿寧身先捍衛獲保安全實屬忠孝兼備二阿哥綿寧著加恩封爲智親王於皇子歲支分例加倍歲給俸銀一萬二千兩以示優獎

三阿哥綿愷隨同捕賊亦屬可嘉朕於在廷臣工  
有功必賞今皇子能如此忠勇自効豈容稍靳恩  
施此大公之心內外諸臣當共知感知奮也

上又諭內閣曰此案賊匪擅入禁門步軍統領吉綸  
左翼總兵王麟毫無覺察其咎甚重吉綸王麟俱  
著革職交與托津等差遣効力所有步軍統領事  
務著英和署理

是日戌刻拉旺多爾濟和世泰索特納木多布  
齋瑪呢巴達拉奏言臣等遵

旨於十六日酉初三刻趕入

紫禁城見

阿哥等會同王大臣所調各處官兵俱在

紫禁城四圍守護並有烏鎗兵入內準備甚爲嚴

密似無事端臣等復至



內右門恭請

皇后懿安將奉

旨差臣等前來及外圍並無事故緣由奏明臣等到

後所有健銳營火器營官兵已皆調到兵衛益

嚴搜捕即可完結

上命軍機大臣傳諭留京辦事王大臣儀親王永璇  
等日本日申刻儀親王等遞到剿辦賊匪事已大

定一摺據訊取活賊供詞賊匪共進禁城二百名  
現所呈遞草單三紙內細核殲斃及活拏者共祇  
三十一名其餘賊匪一百六十九名究竟作何下  
落所奏殊未明晰再成親王訊出賊供地安門外  
尙有賊五百名此項賊匪此時是否伏而未動抑  
係查有蹤跡伊等現在如何辦法摺內亦未提及  
著儀親王等卽速明白迴奏至摺內請將格布舍

等六人留京剿捕賊匪事屬可行內蘇爾慎格布  
舍二人著速迎赴行在朕面詢剿賊情形其伊勒  
通阿等四人留京責令幫同搜捕俟朕回鑾後再  
諭令一同馳赴軍營

上又命軍機大臣傳諭托津英和曰本日申刻復接  
儀親王等奏報據稱十五日戌正時已將進入大  
內之賊搜捕殆盡並將擒獲及殺死賊數及侍衛

官兵家人受傷名數開單呈覽據賊匪供稱進禁城者有二百人今查閱單內殺死賊十七人拏獲賊十四人共計三十一人其餘之賊匪一百六十九名現在作何下落不可不查訊確實如係逃跑應行按名捕獲卽或身死亦當查驗明確著托津等詳悉查辦又據王大臣奏成親王告知帶兵拏獲活賊宋尙忠一名訊稱地安門外尙有賊匪五

百名而王大臣摺內未將此五百名如何查辦之處奏及亦著托津等密行確查設法妥辦務令淨盡爲要又據奏從死賊季進玉懷內搜出賊名一單共二十五人並著托津等將現獲賊犯按名查對其未經拏獲者務須照單緝獲不可一名漏網所有王大臣奏到各單俱著發往閱看其活賊史進忠供單一併發閱再加研訊又據王大臣奏格

布舍等六人捕賊奮勇已准其暫留京城幫同搜捕惟王大臣所遞殺賊獲賊單內祇阿勒罕保獲賊一名其格布舍等五人並無殺賊獲賊之處豈伊等隨同奔走卽謂之出力乎並著托津等查明具奏再早間據王大臣奏綿志在養心殿外用刀砍斃一賊經二阿哥目覩又在隆宗門鎗斃三賊刻下王大臣所進獲賊單內又不敘及綿志斃賊

獲賊數目著托津等啟詢二阿哥究竟曾否目覩  
卽行據實迴奏至此次賊匪突入禁門並敢潛匿  
膳房王公大臣侍衛官兵人等奮勇擒捕實爲可  
嘉內有在內右門以內擒獲賊匪者功績最優在  
禁城內捕賊者次之著托津等詳細查明開單具  
奏此內捕賊受傷身死者列爲上等其受傷重者  
列爲二等受傷輕者列爲三等無論侍衛官兵卽

家人閑散等俱一律歸入等第開單呈覽候朕分別施恩托津等務須秉公確查不可稍徇情面俟朕進宮後再行呈遞亦不爲遲現在二阿哥躬親捕賊忠孝可嘉已施恩錫封智親王著托津等啟知二阿哥不必遠來謝恩俟朕進宮時在內東華門之內道旁碰頭謝恩三阿哥四阿哥等仍照常  
在內接駕



臣等謹按潢池弄兵昔所常有至於逆

天悖理如是年九月十五日之事則變出非常實所罕

見彼其梟獍爲心猶托爲天理會名目抑知  
逆不能以犯順天之道也邪不能以干正理  
之恒也我

皇上至德格

天上孚

吳佑適是年木蘭

秋獮因大雨減圍

命皇子早還京師踰垣二賊遂經

皇次子用鎗擊斃而震雷一殛

天怒赫彰兇渠靡不喪魄旣而官軍搜捕甚急賊有上  
城潛匿者恍惚見

關帝端坐午門乃相率投城自殞蓋七十餘人無

一脫者仰見

篤祐之隆

疑承有自而

明威可畏震懾頑愚亦可謂彰明較著者矣

上又命軍機大臣傳諭托津英和曰現在查緝匪犯最關緊要都城滿洲蒙古漢軍二十四旗各有所轄地方著托津等到城後卽傳諭滿洲蒙古漢軍

八旗正署各都統副都統迅卽督率本旗章京兵  
丁等各在本管地面嚴密搜查八旗正署護軍統  
領各在本管三旗地面搜查兩翼前鋒統領督同  
所管官兵在紫禁城內外詳細挨查勿任一名漏  
網亦毋許擾累居民一有拏獲之犯一面具奏一  
面將犯人交與托津等嚴審如本管地面實無匪  
犯潛匿伊等自信可以出結卽各自具奏其管理

圓明園之大臣著飭令俱赴圓明園督率該管章  
京兵丁等將御園四面附近村莊烟戶以及清河  
等處地方逐細訪查香山藍靛廠等處著派明亮  
前往專司查察各該處如有潛匿匪犯俱卽按名  
緝獲一面具奏一面將犯人交托津等嚴審所有  
諭派各大員飭令各矢天良盡心查辦不可稍有  
踈忽自蹈重譴托津等於獲犯訊供後隨時速奏

再朕於十七日回蹕烟郊十八日駐蹕一日十九日進宮托津等查明京城現在情形據實馳奏

上又命軍機大臣傳諭溫承惠同興署河南巡撫高杞曰昨同興具奏據濟南府知府凝圖稟稱訊據匪犯張建木供出教首劉真空現住京南二十八里大路邊沙河地方收徒聚衆等語正在降旨飭辦間本日據玉麟等奏十五日未刻忽有賊匪二

百人潛入紫禁城內滋擾當經王大臣及各營官兵會同擒捕立時悉數殲斃並生擒帶傷賊匪宋尙忠李二格二名訊據宋尙忠供稱係天理教約同二百人於本日巳時動手等語該逆匪膽敢突入禁門不法已極朕聞信後暫緩謁

陵於十七日卽由白澗回鑾進京親訊此案根由著溫承惠等迅速督兵馳抵該逆匪屯聚處所盡力剿

辦如拏獲賊犯先行嚴鞫附京一帶伊等黨與約  
有若干開明姓名住址由五百里具奏其現獲宋  
尙忠李二格是否有名頭目一併聲敘至該督等  
剿賊仍先專辦抗拒滋事之人不可揚言剿辦邪  
教致令聞風蠢動爲要

上又命軍機大臣傳諭陝甘總督那彥成曰現在直  
隸長垣山東曹縣河南滑縣等處有教匪滋事已



派溫承惠等帶兵前往剿捕著那彥成接奉此旨  
將總督印信攜帶迎交董教增署理卽日馳驛兼  
程來京陛見彼時邪匪若已辦完該督陛見後仍  
回本任若尙未辦竣候旨簡用該省所屬將備內  
有勇幹得力者酌帶數員一同來京預備差委

同日河東河道總督李亨特奏言竊臣於九月  
十一日在睢州工次接據衛輝府知府郎錦騏

稟報滑縣知縣強克捷全家被教匪戕害匪徒  
佔據縣城該府當卽會營拏獲匪犯劉崇化等  
九名現在護撫臣台斐音已由睢州工次帶兵  
前往河北道趙麟由北岸先往查辦又據山東  
曹州府荷澤縣知縣葉肇柟稟報直隸長垣縣  
葦園村有邪教聚衆滋事扎傷知縣趙綸現在  
奔赴曹縣等情又據山東曹河同知王康乂稟

報初十日已刻曹縣有匪徒百餘人直入縣署

將該縣知縣姚國旃全家殺害刳獄開庫竄出

北門兗沂道熊方受已前往查辦等情臣接閱

之後不勝駭異當卽飛咨豫東兩撫臣及兗州

鎮臣查東豫交界劉家口地方係九省通衢

入皖要路壽州亳州皆係邪教萃集之區最爲

緊要臣一面檄調臣標叅將齊國珍帶兵二百

名前往堵禦恐路程較遠緩不應急一面仍就  
近檄飭歸德營叅將酌派弁兵前赴劉家口嚴  
密防範並知會徐州鎮臣派兵在碭山一帶防  
禦奏入

上又命軍機大臣傳諭兩江總督百齡江南提督烏  
爾卿額安檄巡撫胡克家壽春鎮總兵喀勒吉善  
曰現因直隸長垣河南滑縣山東定陶曹縣等處

有賊匪戕官滋事由西北向東南奔竄昨已傳諭  
徐州鎮總兵沈洪帶兵一千名前赴曹縣一帶交  
界地方堵剿因思江省北界與豫東二省接壤恐  
備禦空虛著傳諭江南提督烏爾卿額帶領提標  
兵一千名迅速前赴江南徐州邊界駐紮防守壽  
春鎮總兵喀勒吉善帶領鎮標兵一千名在於安  
徽潁亳一帶駐紮防守不必深入進剿但須嚴密

堵禦勿任匪徒一名闖入本境爲要

是日軍機大臣遵

旨查明馳遞儀親王永璇等奏報之司員扎勒杭阿等四人具奏得

旨札勒杭阿著賞戴花翎琦昂王廣福尹殿甲著賞帶藍翎仍交部議敘

十七日

庚辰

聖駕自白澗迴蹕駐烟郊

頒示

硃筆遇變罪已詔曰

朕以涼德仰承

皇考付託兢兢業業十有八年不敢暇豫卽位初白蓮  
教煽亂四省黎民遭刼慘不忍言命將出師八年  
始定方期與吾赤子永樂昇平忽於九月初六日

河南滑縣又起天理教匪由直隸長垣至山東曹  
縣亟命總督溫承惠率兵剿辦然此事究在千里  
之外猝於九月十五日變生肘腋禍起蕭牆天理  
教逆匪七十餘衆犯禁門入大內戕害兵役進宮  
四賊立即細縛有執旗上墻三賊欲入養心門朕  
之皇次子親執烏鎗連斃二賊貝勒綿志續擊一  
賊始行退下大內平定實皇次子之力也隆宗門



御定四庫全書目錄卷之二  
外諸王大臣督率烏鎗兵竭二日一夜之力剿捕  
搜拏淨盡矣我大清國一百七十年以來定鼎燕  
京

列祖

列宗深仁厚澤愛民如子

聖德

仁心奚能縷述朕雖未能仰紹愛民之實政亦無害民

之虐事突遭此變實不可解總緣德涼愆積唯自  
責耳然變起一時禍積有日當今大弊在因循怠  
玩四字實中外之所同朕雖再三告誡舌敝唇焦  
奈諸臣未能領會悠忽爲政以致釀成漢唐宋明  
未有之事較之明季梃擊一案何啻倍蓰思及此  
實不忍再言矣予惟返躬修省改過正心上答

天慈下釋民怨諸臣若願爲大清國之忠良則當赤心

爲國竭力盡心匡朕之咎移民之俗若自甘卑鄙  
則當挂冠致仕了此一身切勿尸祿保位益增朕  
罪筆隨淚灑通諭知之

臣等謹按逆賊潛伏京畿震驚

宮闕其結謀旣非一日其糾夥並非一人文武內  
外臣工平時泄泄沓沓相率恬熙以至虎兕  
出于柙中豺狼入于都市變出非常上煩

宵旰揆其致亂之故實由于因循疲玩四字臣下之  
罪萬無可追乃我

皇上淵衷惕厲

丹毫罪已至有德涼愆積之言凡在臣子稍有人心  
跪讀之餘孰不汗浹淚零矢効忠而期補過

德音一出感動

天人沴戾旋消祥和立致蓋

禹湯之興誠千古而同揆已

是日托津英和奏言臣等遵

旨馳回京城所過大街小巷人情安堵來往如常卽  
向

紫禁城外周圍查看各門均有大臣官員兵丁守  
護各旗各營馬步兵丁持械林立防範綦嚴

禁城內王大臣晝夜搜拏賊匪箭射刀砍鎗擊已

斃者及窮蹙自盡者不少其中官兵賊匪均須  
一一識認臣等已向王大臣公商將各屍骸卽  
行移出命蘇拉等細爲打掃地面惟賊匪聞拏  
緊急一二藏匿無人處所亦未可定現在王大  
臣等仍上緊嚴搜務期一二日內淨絕根株其  
已斃者卽令活賊認明實係同夥賊匪遵

旨交刑部於市曹碎屍萬段以彰

國憲而快人心至

紫微以內探悉萬安各門關閉太監等看守甚爲  
周密在外所獲之活賊鎖押步軍統領衙門者  
經<sub>臣</sub>等將身帶利刃腰繫白布之賊人劉大郎  
狗兒劉五王二隔別審訊始猶閉目不語加以  
刑訊始供認人會聽從謀逆等事其中不實不  
盡之處<sub>臣</sub>托津再會同刑部堂官嚴行審訊其

餘尙有被獲到案之人應歸案一併辦理其在  
內拏獲之活賊臣托津卽令鎖解刑部會同該部  
堂官逐一嚴行審訊得有確供再行奏

聞其在事出力之人亦容臣等查有確證續行具

奏臣英和馳抵京城卽密派番役弁兵等按照同

典所奏地方訪拏人犯飛傳中營將備等在

圓明園嚴加守護並移知



圓明園管兵大臣一體督衆防閑並傳知臣英和  
所屬之各營汛將備等將各闕廂外要緊處所  
一一堵禦查拏復通飭左右兩翼各按各旗各  
甲喇無論鋪戶人家逐處稽查搜捕又傳

旨令八旗都統前鋒護軍統領副都統各按各界認  
真搜拏期無餘孽現在各營各旗步兵星羅碁  
布足堪緝捕所有調入城內之健銳等馬隊五

百名火器營馬隊五百名臣與拉旺多爾濟熟  
商交索特納木多布齋瑪呢巴達拉於本日帶  
往烟郊守衛以肅

行營拉旺多爾濟謹於是日前赴烟郊恭迎

聖駕

托津等又奏言臣等敬接

諭旨各件當卽入

內面見

二阿哥

三阿哥

四阿哥呈看

二阿哥向上垂淚碰頭奏稱皆係仰仗

皇上洪福方得寧謐何期過沐

聖恩遵

旨於十九日在東華門內道旁碰頭

三阿哥

四阿哥照常接

駕至綿志用刀斃賊一事

二阿哥並未親見係首領詹東舟等看見所有

在事出力之大臣官員等容<sub>臣</sub>等詳細確查據

實具奏再前經玉麟奏稱進

禁城之賊匪約有二百人係被獲活賊所供地安門外尙有活賊五百名之說皆係傳聞並不確實臣等仍留心密訪查拏不敢疎懈

儀親王永璇等奏言臣等前奏活賊宋尙忠供詞內賊匪進禁城者二百名地安門外尙有賊五百名等語欽奉

諭旨詳查覆奏緣臣等自十五日午刻起連日在內

督催帶兵王大臣侍衛等晝夜搜捕賊匪刻無  
少暇十五十六兩日據王大臣報到者隨報隨  
奏其進禁城賊匪二百名及地安門外賊匪五百  
名之說雖由成親王訊出賊匪朱尙忠所供未  
必卽是確數今於十六日巳時以後續又拏活  
賊二十六名殺賊四名又續殺賊十名拏獲活  
賊一名二共四十一名連前

奏三十一名共七十二名現在地安門外甚爲安  
靜並無伏而未動之賊臣等仍督催帶兵王大  
臣等加意嚴搜不使一名兔脫再日內捕殺賊  
衆王大臣內綿課奕灑安成蘇爾慎四人實爲  
超衆出力豫親王裕豐肅親王永錫都統祿康  
各捐出糧米鍋柴碗筋等項內務府辦給餉餉  
所有在內官兵藉資果腹裕豐等亦均急公理

合附

奏均奏入

上諭內閣曰此次賊匪擅入紫禁城經王大臣侍衛  
官員等奮力搜捕擒殲淨盡儀親王成親王在紫  
禁城內親身督辦晝夜勤勞甚屬可嘉著加恩將  
所有未經開復處分及未完罰俸悉予開復寬免  
又本日和世泰奏稱昨據二阿哥告知前日賊匪



突入禁門綿志先入大內經二阿哥將自帶鳥鎗  
交給點放綿志於二阿哥鎗斃二賊之後亦用鎗  
斃賊一名其餘賊匪始皆畏懼避匿綿志爲儀親  
王之子係朕親姪如此勇奮出力著加恩賞加郡  
王銜於歲支貝勒俸銀二千五百兩外每年加給  
銀一千兩以示嘉獎莊親王綿課於賊匪奔突之  
時持械剿捕並射傷賊匪一名亦屬奮勇著加恩

將從前所罰王俸未完者全行寬免仍交宗人府  
從優議敘奕灝安成蘇爾慎格布舍四人各殺斃  
賊匪均屬出力奕灝安成著交宗人府兵部從優  
議敘蘇爾慎著賞給副都統銜仍交部議敘格布  
舍著交部議敘三等侍衛阿勒罕保親軍校清福  
亦皆殲斃賊匪阿勒罕保著陞爲二等侍衛清福  
著陞爲三等侍衛其餘出力各員俟托津等查明

再行施恩至派出捕賊兵丁經王大臣等帶入紫  
禁城內者健銳火器兩營兵丁尤爲勇銳著查明  
各賞給一月錢糧前鋒護軍營及八旗步軍營兵  
丁查明各賞給半月錢糧

上又諭內閣曰本月十五日賊匪擅入禁城係由宣  
武門入東華門西華門進蒼震門該管步軍統領  
等門禁懈弛已將吉綸玉麟革職是日紫禁城值

班係署護軍統領楊澍曾其咎更重楊澍曾著革職卽日發往伊犁効力贖罪至此三門蒼震門係在大內疎防最重東華門西華門次之宣武門又次之所有該班之官員兵丁等除受傷身故及受傷者將功抵過無庸議外其餘著托津等查明會同刑部分等治罪據訊取現獲賊犯供詞多係直隸固安縣及黃村一帶籍貫鄒炳泰李鈞簡在順

天府尹任內平日漫無查察以致養癰貽患鄒炳  
泰著以中允贊善降補李鈞簡著降爲編修溫承  
惠身任直隸總督順天府所屬地方皆其所轄著  
交部嚴加議處劉鑲之費錫章到任未久者交部  
議處

上命軍機大臣傳諭那彥成曰昨經降旨令那彥成  
來京陛見並酌帶勇幹將備前來聽候派委那彥

成接奉後自必迅卽啟程今思軍務緊要著那彥  
成卽由陝西取道探明溫承惠現在何處徑赴軍  
營接受欽差大臣關防傳旨令溫承惠專辦後路  
糧餉本日已諭令穆克登布富僧德等於西安駐  
防滿兵內豫先挑備馬隊一千名俟那彥成路過  
西安令富僧德帶領隨那彥成前進該督接奉此  
旨卽迅速料理毋稍稽遲

上又命軍機大臣傳諭西安將軍穆克登布副都統  
富僧德曰現因河南滑縣及山東定陶曹縣等處  
有教匪滋事亟需趕緊剿辦已有旨令那彥成馳  
赴軍營督辦著傳諭穆克登布等於西安駐防滿  
兵內挑選健勇馬隊一千名將軍裝馬匹火藥器  
械等項迅速豫備齊全一俟那彥成路過西安時  
派富僧德管帶隨行以資剿捕不可稍有稽緩

上又命軍機大臣傳諭托津英和曰據現獲賊犯宋  
尙忠等供稱該犯等在宣武門外大街糾衆卽由  
宣武門進城徑入西華門內滋事該犯等進城後  
所過街市鋪面毫無搶掠直入禁門肆行不法是  
該犯等意不在圖劫財物又該犯等於進西華門  
後先赴尙衣監砍門進內殺傷男婦多人卽由西  
路北上竟似該犯等豫知大內在西專向肆逆者



著托津等將各犯嚴加刑訊該逆等意欲何爲並  
訊以現在尙未回鑾伊等是否知悉如知駕未在  
宮該犯等謀劫大內又其意何居再逆匪等於進  
西華門後將門關閉卽上城先插白旗似號召逆  
黨內外策應情狀前據成親王訊出賊匪供稱進  
內二百人地安門外尙有五百人係屬該犯等初  
供其言諒非無因顯有預謀約會同時舉動情事

現在格斃及拏獲之賊只有七十餘名其餘賊匪  
及在外之人究竟作何下落或此五百名賊人聞  
禁城擒捕緊急未敢動手乘間逃逸均未可定著  
托津等逐一研訊務得確情所尤要者現獲活賊  
不下數十人務隔別研究伊等究聽何人指使首  
逆實係何人巢穴究在何處一得端倪卽派兵先  
行密查一面奏聞不必候旨再辦再頃據蘇爾慎

奏訊據賊供首逆係孫格莊人孫格莊地方係在  
何處是否確實亦向其嚴切根究前同與所奏首  
犯劉真空潛匿離京二十八里之沙河順天北路  
廳同知卽駐劄沙河地方該處距圓明園不遠著  
英和派明幹可靠員弁前往密行躡緝有無蹤跡  
現在刑部監獄朝審人犯不少又加以逆匪多名  
著托津等傳知刑部堂官留心防範英和並添派

弁兵小心巡察再現在格斃各屍除兵役屍首飭令家屬認領查明再行施恩外其已斃賊屍令活賊指明拖赴外城分地剉屍梟示不必盡在市口其現訊逆犯錄供後如無可再訊者先凌遲一二名以後陸續辦理只留爲首要犯四名豫備廷訊所留逆犯此時轉不必加以嚴刑俟廷訊時盡法處治現已明降諭旨將門禁懈弛之官兵分別懲

辦著托津等於訊供時嚴鞠賊犯未必悉由宣武門入城如有自他門入者亦查明將該管官兵一體治罪再現在紫禁城內既已搜查淨盡無須多兵駐守著托津等酌留若干在禁城內分設堆撥徹出若干在皇城內分設堆撥紫禁城內酌留之數比之皇城內尙可畧少派定後先行具奏至昨降旨飭令在京都統護軍統領等各查所轄地面

此事非一二日所能辦竣恐草率從事轉屬有名  
無實著傳知該都統等從容詳辦其挨查之法所  
有王公以下二品文武大員以上無庸點查著傳  
令該本家等自行查明實無形跡可疑之人令其  
出具切結報明該管大臣如有隱匿情事發覺後  
從重治罪其三品以下官員以及軍民鋪戶人等  
俱著逐戶挨查除婦女不查外丁男按名點驗勿

稍踈漏如有外來行蹤詭秘之人隱匿在家卽行  
拏究